

Bosna i Hercegovina
Ministarstvo odbrane/obrane



Босна и Херцеговина
Министарство одбране

Broj: 06-50-1224-1/13
Sarajevo, 16.04.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-04-2013

Organizaciona jedinica	Klasifikaciona oznaka	Redni broj	Broj priloga

01-50-1-15-44/13

PARLAMENTARNA SKUPŠTINA BOSNE I HERCEGOVINE
Predstavnički dom/Zastupnički dom

PREDMET: *Odgovor na poslanička pitanja, d o s t a v l j a .-*

VEZA: Vaš dopis, broj: 01/a-50-1-15-44/13 od 11.03.2013. godine

Poštovani,

U prilogu dopisa, dostavljamo Vam odgovor na poslaničko pitanje gospodina Beriza Belkića, poslanika u Predstavničkom domu Parlamentarne skupštine Bosne i Hercegovine, postavljeno na 44. sjednici Predstavničkog doma održanoj 14. marta 2013. godine.

Prilog: Odgovor na poslanička pitanja

Dostavljeno:

- naslovu,
- a/a.



MINISTAR
Zekerijah Osmić
Zekerijah Osmić, dipl.occ.

ODGOVOR NA POSLANIČKO PITANJE

1. „Na moja usmena i pismena pitanja koja postavljam u posljednje dvije-tri godine iz Vašeg Ministarstva mi je odgovoreno da je Ministarstvo dostavilo svu potrebnu dokumentaciju za knjiženje 69 ili 63 lokacije nepokretne, i za Oružane snage BiH perspektivne imovine. U odgovoru Pravobranilaštva BiH od dana (14.03.2013.), na moje poslaničko pitanje, Pravobranilaštvo BiH tvrdi da ne raspolaže dokumentacijom na osnovu kojih može izvršiti uknjižbu perspektivne nepokretne imovine na Oružane snage BiH. Molim Ministarstvo da odgovori ko obmanjuje javnost i ko govori istinu?“

Ministarstvo odbrane BiH je do početka 2009. godine okončalo postupak pribavljanja imovinsko-pravne dokumentacije za sve lokacije koje koriste Oružane snage BiH.

Raspoloživa imovinsko-pravna dokumentacija za perspektivnu vojnu imovinu je prezentirana Pravobranilaštvu BiH na više radionica koje su održane u organizaciji NATO Štaba u Sarajevu i Ministarstva odbrane BiH. Na navedenim radionicama razmatrane su pravne i tehničke pripreme dokumentacije koja je potrebna za uknjižbu perspektivne vojne imovine na BiH sa pravom vlasništva 1/1 i sa pravom korištenja na Ministarstvo odbrane BiH.

U postupku pripreme dokumentacije za knjiženje perspektivne vojne imovine na BiH, Ministarstvo odbrane BiH je 21.10.2011. godine dostavilo Pravobranilaštvu BiH posjedovne listove i zemljišno-knjižne izvratke za 19 lokacija Oružanih snaga BiH radi poduzimanja pravnih radnji usaglašavanja zemljišno-knjižnih podataka iz katastra i zemljišnih knjiga. Radi se o sljedećim lokacijama: Kasarna "Vojvoda Stepa Stepanović" Bijeljina; Kasarna "Miloš Obilić" Pale; Kasarna "Bilećki borci" Bileća; Skladište "Gabela" Čapljina; Skladište "Stojkovići N. Travnik; Skladište "Čelebići" Konjic; Objekat Ministarstva odbrane BiH Sarajevo; Radio-relejno čvorište "Bosut" Sarajevo; Strelašte "Ovčarevo" Travnik; Aerodrom "Dubrave" Živinice; Radarski položaj "Tušnica" Livno; Poligon "Gorica" Čapljina; Radio-relejno čvorište "Duge njiwe" Modriča; Dom Oružanih snaga BiH Sarajevo; Kasarna "Adil Bešić" Bihać; Radio-relejno čvorište "Paljenik" Travnik; Skladišta "Kozlovac" Tuzla; Aerodrom "Mahovljani" Laktaši i Kasarna "Vojvoda Radomir Putnik" Doboje.

Pravobranilaštvo BiH je 05.12.2011. godine vratilo Ministarstvu odbrane BiH dostavljenu dokumentaciju uz obrazloženje da je zadatak Pravobranilaštva BiH uknjižba i poduzimanje svih predradnji, kao i pravnih radnji koje treba izvršiti u samom postupku uknjižbe. Takođe, konstatirano je da je ovoj instituciji dostavljena nepotpuna dokumentacija sa zahtjevom za izvršenje usaglašavanja zemljišno-knjižnih podataka, te da je Ministarstvo odbrane BiH nosilac aktivnosti pribavljanja zemljišno-knjižnih podataka i njihovog usaglašavanja. Ne sporeći obavezu Ministarstva odbrane BiH po pitanju pribavljanja podataka za perspektivne vojne lokacije, poduzimanje pravnih radnji usaglašavanja zemljišno-knjižnih podataka iz katastra i zemljišnih knjiga za ove lokacije spada u domen predradnji koje je Pravobranilaštvo BiH i definiralo kao svoj zadatak.

Od navedenog perioda, kompletna imovinsko-pravna dokumentacija za perspektivnu vojnu imovinu više je puta znanavljana. U međuvremenu vođeni su razgovori političkih stranaka, koji su početkom marta 2012. godine okončani potpisivanjem dogovorenih principa o raspolaganju vojnom i ostalom državnom imovinom. U junu 2012. godine, Ustavni sud BiH odlučio je da je status državne imovine u nadležnosti države BiH

Ministarstvo odbrane BiH vodi intenzivne konsultacije sa Pravobranilaštvom BiH o daljnjim koracima, odnosno postupanju sa već prikupljenom dokumentacijom radi provođenja uknjižbe perspektivne vojne imovine.



Broj: 20-06-07-4-225-2 /13

Datum: 06.05.2013. godine

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/ PREDSTAVNIČKI DOM

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 07.06.2013			
Organizaciona jedinica	Klasifikaciona oznaka	Redni broj	Broj priloga
01-50-1-15-44/13			

SARAJEVO

PREDMET: Odgovor na zastupničko pitanje gospodina Beriza Belkića, dostavlja se.-

VEZA: Vaš akt broj 01/a-50-1-15-44/13 od 14.03.2013. godine

Poštovani,

Realizacija Sporazuma o uspostavljanju Sistema elektronske razmjene podataka iz evidencija policijskih tijela i tužilaštava (u daljem tekstu: Sporazum) je u završnoj fazi.

Sporazum je potpisan 30.09.2009. godine, a Anex Sporazuma je potpisan 11.06.2010. godine. Time je dogovorena implementacija Sistema elektronske razmjene podataka (u daljem tekstu: Sistem). Implementaciju je finansirala Delegacija EU u BiH kroz projekat IPA 2008 koja je skupa sa Ministarstvom sigurnosti BiH provela tendersku proceduru za nabavku Sistema. Tom procedurom je izabrana kompanija INFONET d.o.o. Tuzla i krajem jula 2011. potpisan je Ugovor o početku implementacije.

U periodu 22.08. - 22.09.2012. godine, Sistem je prošao testnu fazu sa testnim podacima. U toku ove faze radilo se na uklanjanju manjih tehničkih problema. Direkcija za koordinaciju policijskih tijela BiH (u daljem tekstu: Direkcija) je od potpisnika Sporazuma dobila potvrdu o spremnosti za prelazak iz testne u produkcijsku fazu. Dana 22.09.2012. godine Sistem je prešao u produkcijsku fazu, odnosno rad sa stvarnim podacima za web servise koji su realizovani po tenderu.

Tenderom je obuhvaćeno kreiranje šest web servisa po agenciji, tako da su policijske agencije (MUP RS, Policija Brčko distrikta BiH, Federalna uprava policije i KMUP-ovi) u obavezi samostalno kreirati preostalih osam web servisa po Agenciji.

Takođe, sve potpisnice Sporazuma koje daju podatke u razmjenu, trebaju da osiguraju aplikativni dio za pristup evidencijama, te da izvrše obuke korisnika da bi iste mogli i koristiti.

Svi osim Federalne uprave policije (FUP) sa kantonalnim MUP-ovima su kreirali web servise, korisničke aplikacije i izvršili obuku korisnika. Preostalo je da FUP i kantonalni MUP-ovi završe svoje obaveze, po izvještaju FUP-a od 15.4.2013. godine iste će završiti u roku od 60 dana.

U toku produkcijske faze konstatovano je da zadati obavezni parametri upita za većinu evidencija nisu zadovoljavajući, te su provedene aktivnosti za usaglašavanje i izmjene istih radi postizanja što veće efikasnosti Sistema.

Jedna od obaveza Direkcije i svih potpisnica Sporazuma jeste izrada Tehničkog uputstva. Radna grupa za donošenje Tehničkog uputstva je pripremila prijedlog na koji se čeka saglasnost svih potpisnica Sporazuma.

Takođe, obaveza koja proizilazi iz člana 8. Sporazuma je uspostavljanje Radnog tima za monitoring rada, koordinaciju aktivnosti i unapređenje rada Sistema. Sve potpisnice Sporazuma su dostavile imena člana i zamjenskog člana koji će ih predstavljati, te je dogovoreno da će u skorije vrijeme biti organizovan sastanak članova Radnog tima na kojem treba da se donese Poslovnik o radu.

Želimo naglasiti da se Sistem svakodnevno koristi za evidencije koje su postavljene i od dana puštanja Sistema u produkciju do danas, ukupan broj upita iznosi 780 000.

DOSTAVLJENO:

- Naslovu
- a/a

**DIREKTOR**

Himzo Selimović